

02 NOV 1996

MAHATHIR BERLEPAS KE ZIMBABWE UNTUK SIDANG KEMUNCAK G15

KUALA LUMPUR, 2 Nov (Bernama) --- Perdana Menteri Datuk Seri Dr Mahathir Mohamad hari ini berlepas ke Zimbabwe untuk menghadiri persidangan kemuncak G15 (Kumpulan 15) di Harare, bermula esok.

Datin Seri Dr Siti Hasmah Mohd Ali mengiringi beliau.

G15 terdiri daripada negara-negara membangun -- Jamaica, India, Mesir, Venezuela, Argentina, Indonesia, Malaysia, Nigeria, Algeria, Peru, Mexico,

Lapan ketua kerajaan dan ketua negara telah mengesahkan akan menghadiri persidangan kemuncak keenam kumpulan itu.

Timbalan Perdana Menteri Datuk Seri Anwar Ibrahim dan isteri Datin Seri Dr Wan Azizah Datuk Wan Ismail berada di Lapangan Terbang Antarabangsa Sultan Abdul Aziz, Subang untuk mengucapkan selamat jalan.

Beberapa menteri kabinet dan pegawai kanan kerajaan turut hadir.

Pada Selasa, Dr Mahathir dan isteri akan berlepas dari Harare untuk lawatan rasmi ke Guinea dan Ghana, kedua-dua di barat Afrika, dari 5-11 Nov.-BERNAMA

SJA